

Қримда «Азон садоси» танлови бошланди



13:00 / 06.03.2021 1435

Қримда «Азон садоси» номли танловнинг саралаш босқичлари бошланди, дея хабар берди [islam.ru](#) манбаси. Биринчи тур босқичлари Первомайское (Журчи) қишлоғида бўлиб ўтди. Первомай тумани қишлоқларидан турли ёш тоифасидаги 16 иштирокчи аzon чақириш бўйича беллашди. Танловнинг энг кичик иштирокчиси 7 ёшда.

Мусобақа бошланишидан аввал Қрим муфтийси ўринбосари Раим Ғофаров танловда йиғилганларга азон ва унинг мусулмонлар учун аҳамияти ҳақида гапириб берди.

«Бир неча йиллар давомида ота-боболаримиз мажбуран сургун қилинган жойларда Қримга қайтишни ва аzon садоларини яна эшитишни орзу қиласар эдилар. Бугун, ҳатто кичик болалар ҳам аzon чақираётганини кўриб, қалб ғурур ва қувончга тўлади. Қримда аzon садолари ҳеч қачон тўхтамасин», - дея таъкидлайди Раим Ғофаров. Шунингдек, у Журчи диний ҳамжамиятининг раиси Вайд Биляловга тадбирни ташкил этишда кўрсатган ёрдами учун миннатдорчилик билдириди.

Мусобақанинг биринчи саралаш босқич натижаларига кўра Ислом Изеев, Ибрагим Ёқубов ва Алим Ибрагимовлар финал босқичига йўл олишди.

Кейинги мусобақа 9 март куни Симферополда «Сайд-Саттор» диний мажмуасида бўлиб ўтади.

Эслатиб ўтамиз, саралаш босқичи март-апрель ойларида, Рамазон ойи бошлангунга қадар бўлиб ўтади.

Танловда 6 ёшдан 50 ёшгача бўлган эркаклар иштирок этишлари мумкин. Иштирокчиларга қўйиладиган асосий талаблар: диксия, аzon матнини тўғри ўқиш, талаффуз, оҳангдорлик (азоннинг садоси), овознинг равшанлиги, ифодавийлиги, саҳнада ўзини тутиши, дея хабар беради Крим Марказий ахборот бошқармаси матбуот хизмати.

Хуршид Маъруф тайёрлади